

Script of Morning Dogri (NSD) Bulletin 13-09-2026

आकाशवाणी

1. ब्रिक्स लीडरें 2025 आहले पहलगाम आतंकी हमले दी निंदेआ कीती। आतंकवाद गी दना'क बी बर्दाश्त नेई करने दी अपील।
2. प्रधानमंत्री नरेंद्र मोदी होर कजाकिस्तान, फिलीपीन्स, मिस्र, दक्खन अफ्रीका ते बुरुडी दे राश्ट्रपतियें कन्नै अज्ज दपक्खी बैठकां करंगन।
3. पच्छिम बंगाल सरकार नै पुरबा मेदिनीपुर जिले च हथियार ते मिसाइल रेंज बनाने दे डी.आर.डी.ओ दे प्रस्ताव गी मंजूरी दिती।
4. मौसम विभाग नै अज्ज गुजरात च बड़ी मती बरखा बरने दा रेड अलर्ट जारी कीता।
5. यू.एस ओपन टेनिस च कजाकिस्तान दी एलेना रायबाकिना नै बेलारूस दी आर्यना सबालेंका गी हराइयै महिला सिंगल्स दा खताब जित्ती लैता ऐ।
6. ते महिला एशिया क्रिकेट कप च अज्ज भारत दा मुकाबला मौजूदा चैंपियन श्रीलंका कन्नै होगं

<><><><><><>

BRICS-Summit

अज्ज ब्रिक्स सम्मेलन दा दुआ ते खीरला ध्याड़ा ऐ। एहू सम्मेलन कल नमीं दिल्ली दे भारत मंडपम च रम्भ होआ ह। सब्बै ब्रिक्स देशें दे समर्थन कन्नै कल नमीं दिल्ली घोशणा पत्र

2026 जारी कीता गेआ। ब्रिक्स मुल्लखें अंतरराष्ट्री सतह दे विवादें गी अमन, रमानदारी कन्नै सुलझाने ताई आपसी गल्लकत्थ, सलाह-सूत्र ते कूटनीतिक कोष्ट दे अपने धेइयै गी दोहराया। लीडरें पच्छमी एशिया च बदारदी तनोतनी पर बी चैंता जताई ते मते शा मता सहनशील रौहने दे कन्नोकन्नी ऐसी कारवाइयें थमां बचने लेई आखेआ जिंदे कन्नै हालात बिगड़ी सकदे ना। उनें जंदे बरे 22 अप्रैल गी जममू-कश्मीर च होए दे आतंकी हमले दी बी सख्त निंदेआ कीती। भारत चौथी बारी इस सम्मेलन दा सरिस्ता करा करदा ऐ। प्रधानमंत्री नरेंद्र मोदी होरें घोशणा पत्र गी अपनाने मगरा अपनी खीरी टिप्पणी च गलाया जे एहू मिम्बर देसें दे सांझे इरादे ताई साफ दिशा दिंदा ऐ।

<><><><><><>

PM-Bilateral Talks

प्रधानमंत्री नरेंद्र मोदी होर कजाकिस्तान, फिलीपीन्स, मिस्र, दक्खन अफ्रीका ते बरुंडी दे राष्ट्रपतियें कन्नै दपक्खी बैठकां लाडन। श्री मोदी नाइजीरिया ते युगांडा दे उपराष्ट्रपतियें कन्नै बी मीटिंग करंगन। ब्रिक्स सम्मेलन भारत दी प्रधानता च होआ करदा ऐ। अज्ज ब्रिक्स मिम्बर ते भ्याल देश सहनशीलता, नवाचार, आपसी सहयोग ते होर महत्वे आहले विशें पर लगने आहले इजलास च हिस्सा लैंगन।

<><><><><><>

PM-China

प्रधानमंत्री नरेंद्र मोदी ते चीन दे राष्ट्रपति शि जिनपिंग होरें परतियै आखेआ ऐ जे भारत ते चीन गी अपने रिश्ते गी सामरिक ते लम्में चिरे धोड़ी चलने आहले नजरिये कन्नै दिक्खना लोडचदा ते आपसी मतभेदें गी लड़ाई च तब्दील नेई होन देना चाइदा। कल ब्रिक्स सम्मेलन

दरान अपनी दपक्खी बैठक च दौनें लीडरें जंदे बरे अगस्त च तियानजिन च होई दी अपनी पिछली बैठक मगरा भारत-चीन दपक्खी रिश्ते च लगातार होआ करदे सुधार दा सोआगत कीता।

<><><><><><>

WB-Missile Test Range

पच्छिम बंगाल दे पुरबा मेदिनीपुर जिले दे समुंद्री कंडे आहले ग्रांड जुनपुर च इक होर हथियार ते मिसाइल परीक्षण रेंज स्थापित कीता जाहगा। मुख्यमंत्री सुबेंदु अधिकारी होरें राज्य च इस रेंज बी स्थापित करने लेई रक्षा अनुसंधान ते विकास संगठन दे प्रस्ताव गी मंजूरी देई दिती ऐ। एह उडीस दी चांदीपुर परीक्षण रेंज दे अलावा आंध्र प्रदेश च तजवीजशुदा परीक्षण केंद्र मगरा डी.आर.डी.ओ दा त्रिया मुख केंद्र होग।

<><><><><><>

BRICS-Declaration

ब्रिक्स नेताएं जम्मू-कश्मीर दे पहलगाम च अप्रैल 2025 च होए दे आतंकवादी हमले दी सख्त निंदा कीती। नमीं दिल्ली घोशणा पत्र च आतंकवाद गी दना बी नेई बर्दाश्त करने दी नीति अपनाने लेई बचनबद्धता दोहराई गई। घोशणा पत्र च आखेआ गेआ जे आतंकवाद दा कोई बी रूप अपराधिक ते अनुचित ऐ, भाएं ओहदी बजह किश बी की नेई होऐ। घोषणा पत्र च पिछले बरे 22 अप्रैल गी जम्मू-कश्मीर च होए दे हमले दी निंदा कीती गई। इस हमले च 26 लोक मारे गे हे। घोशणा पत्र च आतंकवादिएं दी बन्ने पारा थमां आओ-जाई, आतंकवाद गी माली मदाद ते आतंकवादिएं गी सुरक्षित ठकाने उपलब्ध करोआने खिलाफ कार्रवाई दा आह्वान कीता गेआ।

<><><><><><>

HM-Visit

केंद्री गृह मंत्री अमित शाह होरें कल मुम्बई दा त्रै दिनी दौरा रम्भ कीता। इस दरान ओह मुम्बई दी एशियाटिक सोसायटी जांगन ते हिंदी पर केंद्रित 6में अखिल भारती राजभाशा सम्मेलन च शामिल होङन। श्री शाह होर अज्ज मुम्बई एशियाटिक सोसायटी च श्री गणेश ध्यान आरती नां दी पांडुलिपियें दी इक टकोह्दी नमैश दा बी उद्घाटन करङन।

<><><><><><>

Iraq=Closure

ईराक नै मेसान प्रांतै च फौजी अभियानें दे कमांडर गी ओह्दे थमां हटाई दित्ता ऐ ते कन्नै गै ईरान कन्नै लग्गी दी शलामचेह सरहदी चौकी गी एहतियातन आरजी तौरा पर बंद करी दित्ता ऐ। साउदी अरब दी ईस्ट वेस्ट पाइपलाइन पर ड्रोन हमलें दी जांच मगरा एह कार्रवाई कीती गई ऐ।

<><><><><><>

Weather

मौसम विभाग नै अज्ज गुजरात च तेज बरखा दे कन्नोकन्नी किश थाहरें पर बड़ी मती तेज बरखा पौने दी चेतावनी आस्तै रेड अलर्ट जारी कीता ऐ। मध्य प्रदेश, पच्छिमी मध्य प्रदेश, सौराश्ट्र ते कच्छ च बी तेज बरखा पौने दे असार ना। दिल्ली च बी अगले 5 दिनें दरान किश थहरें पर भारी बरखा पौने दी पेशनगोई कीती गई ऐ। तोआई, केरल ते माहे च अज्ज गर्म ते गुम्मे आह्ला मौसम रौहने दा अनुमान ऐ।

<><><><><><>

Tennis

एलेना रायबाकिना नै महिला अमरीकी ओपन टेनिस दा खिताब जित्ती लैता ऐ। न्यू यार्क दे Arthur Ash Stadium च जंदे रोज खेड्डे गेदे फाइनल मुकाबले च कजाकस्तान दी रायबाकिना नै बेलारूस दी आर्यना सबालेंका गी 6-4, 5-7, 6-2 कन्नै हराइयै खिताब अपने नां कीता।

<><><><><><>

Women Cricket

महिला टी-20 क्रिकेट एशिया कप दे फाइनल च अज्ज दुबई च भारत दा मुकाबला मौजूदा चैंपियन श्रीलंका कन्नै होग। एहू मेच भारती समें मताबक रातीं 8 बजे शा खेड्डेआ जाहगा। भारत नै सेमीफाइनल च बांगलादेश गी 40 रन कन्नै हराया हा। 7 बारी दा चैंपियन भारत ग्रुप-ए च अपने सब्बे मैच जित्ति ए पैहली थाहर पर रेहा ऐ।

<><><><><><>

Terrorist Body Recovered

सुरक्षा बलें पाकिस्तानी आतंकी संगठन जैश-ए-मोहम्मद दे इक्क आतंकवादी दी लोथ बरामद कीती ऐ, जिसी डोडा जिले च इक्क पैहले चलाए गेदे इक सांझे अभियान दौरान मारी मकाया गेआ हा। जम्मू-कश्मीर पुलिस ने इक्क सोशल मीडिया पोस्ट च दस्सेआ जे ए बरामद'गी सरबन्धी अभियान स्पेशल आप्रेशन ग्रुप डोडा, राश्ट्री राइफल्स ते केन्द्री रिज़र्व पुलिस बल आसेया चलाया गेआ। अधिकारियें दस्सेआ जे इस अभियान दौरान आतंकवादी दी लोथ बरामद कीती गेई। कुसै थाहरै थमां रातीं नेरे च दस्सने आहली M4 रफल बी

थोई ऐ। सुरक्षा बल इलाके च निगरानी ते सुरक्षा बदाने दे मकसद कन्नै अभियान जारी रखा रदे ना।

<><><><><><>

DGP-Meeting

पुलस महानिदेशक नलिन प्रभात होरें जिला पुलस लाइन जम्मू च इक व्यापक सुरक्षा बैठक लाइयै सुरक्षा स्थिति दा जायजा लैता। उनें शैहरी ते ग्रामीण इलाकें च सुरक्षा तंत्र, आपराधिक स्थिति ते होरनें सरबन्धी तैयारिएं दा जायजा लैता। बैठक च आई.जी जम्मू तेजिंद्र सिंह, डी.आई.जी जम्मू-साम्बा-कठुआ रेंज श्रीधर पाटिल, एसएसपी जम्मू जोगिंद्र सिंह हुं'दे अलाव होरने दुए अफसरें हिस्सा लैता। इस दरान मुख करी ध्यान बेहतर तालमेल पैहलें सोयां हर स्थिति लेई तैयार ररौहने पर दित्ता गेआ।

<><><><><><>